



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 2. à quo alenda sit proles exposita, & an pater teneatur Hospitali  
refundere sumptus in educatione prolis factos?

**urn:nbn:de:hbz:466:1-41144**

tem, aut eandem ratam habentem, privari ita patriâ potestate, ut eum pater repeteret nequeat, & filius sui juris efficiatur, juxta C. un. h. tit. & l. sancimus 3. ac l. fin. C. h. tit. sed in iis tantum, quæ filio exposito sunt onerosa, & odiosa, non verò in favorabilibus, scilicet quoad dotem, alimenta, &c. ut notant Barbos. l. c. Gratian. discept. for. c. 267. Engl. n. 4. König. Wiesbn. n. 4. Schmalzgr. n. 13. & alii. Unde

304 Ad 2. Q. R. Filios expositos etiam illegitimos per se à patre alendos esse, ut tenet communis DD. & patet ex l. si quis 5. ff. de agnoscend. liber. & l. penult. & fin. C. de alend. liber. & ex ipso naturæ jure. Nec obstat, quòd infans per expositionem à patria potestate liberetur per juris dispositionem; nam id duntaxat intelligitur quoad odiosa, & onerosa; non autem quoad favorabilia, quale est jus alimentorum, ut suprà dictum est.

Quod si pater expositum filium alere nequeat, nec aliis privatus illius curam suscipiat, alimenta subministranda sunt ab Hospitalibus, aliisve piis locis erectis ad hujusmodi pietatis officia; quia ea censetur esse mens, & voluntas Fundatorum: His verò defientibus, ex Ecclesiae redditibus sustentandi sunt ita expositi, tanquam ex Patrimonio Christi, &

pauperum, ut colligitur ex Can. aurum 70. cauf. 12. q. 2. Si verò redditus Ecclesiae non sufficiant, alendi sunt à Communitate loci, in quo inventi, & baptizati sunt, ut cum aliis notant Abb. in c. un. h. tit. & Barbos citt. c. un. n. 4. & 5. Unde

Ad 2. Membrum Q. An Bruscus 305

pater teneatur Hospitali refundere expensas in alimenta, & educationem factas? R. Si Bruscus dives sit, teneri restituere Hospitali, præsertim si hoc pauper sit, expensas in alenda ea prole factas, quatenus sine periculo suæ famæ potest. Ita ex communi Molina l. c. Ratio est; quia bona Hospitalium sunt in usus, & subsidium pauperum destinata, & relictæ a Fundatoribus, quorum præsumpta voluntas est, ut si ex justa causa bona aliqua Hospitalis eo modo insumerentur in filium alicuius dicitis, teneatur parens ea compensare in usus, & subsidium aliorum pauperum, utpote obligatus ad alimenta suo filio etiam illegitimo subministranda, & in defectum patris mater tenetur, siquidem dives sit, & possit; quæ proin, si dives esset, in defectum patris teneretur etiam ad refundendas Hospitali dicto modo factas expensas.

Quòd si tamen Hospital ex sui institutione haberet redditus ad infantes expositos indiscriminatim

T 3 natim

natum alendos, essetque valde dives, præsumptio esset, ut ait Laym. l. c. fundatum esse pro omnibus expositis ob justam causam, absque compensationis obligatione.

Illud h̄ic notandum venit apud citt. DD. ex Novall. 115. c. 3. quod quicunque hujusmodi infantes expositos assumunt, & educant, id juris acquirant, quod eis, (excluso Filio, parentibus, & consanguineis tanquam indignis,) ab intestato succedant, si absque descendantibus decadent relictis post se bonis temporalibus.

306 Ad 3. Q. Suppono h̄ic ex cap. ut filii 1. & seqq. b. tit. & C. inter dilectos 11. de excess. Prælat. Omnes illegitimè natos repelli ab Ordinibus suscipiendis, Beneficiis, & Dignitatibus. Unde queritur h̄ic, an hæc illegitimorum irregularitas ita tollatur per Professionem Religiosam, vel etiam per solum Religionis ingressum, ut absque alia dispensatione possint ejusmodi illegitimi promoveri ad Ordines, Beneficia, aliasque Dignitates? Ad quod

R. 1. Per Professionem Religiosam tolli hanc irregularitatem ex defectu Natalium ortam, ut omnes illegitimi, etiam spuri promoveri possint absque alia Dispensatione ad omnes ordines, non item per solum ingressum in Religionem,

seu Novitiatum.<sup>1</sup> Prior pars patet ex C. ut filii 1. b. tit. & Can. Presbyterorum 1. dist. 56. & ex communione DD. apud Dianam part. 5. tr. 2. R. 65. Posterior pars est contra Rodriq. tom. 1. Regul. q. 13. n. 4. existimantem prædictam irregularitatem tolli etiam per ingressum in Religionem probationis causâ, eò quod in favorilibus Clericorum, & Monachorum nomine (de quibus sermo est in c. ut filii citt.) veniant etiam Novitii, & etiam ille dicatur ingressus Religionem, qui Novitiatum est ingressus, atque adest eodem gaudeat favore Novitius, quo gaudet, qui Religionem proficitur. Sed contrarium omnino tenendum est cum Suarezio de Censur. D. 50. c. 2. n. 12. & 14. Sylv. V. illegitimus n. 8. Tolet. l. 1. c. 68. Diana 1. c. Emm. Sà V. irregularitas. Sanch. l. 5. moral. c. 5. alisque communiter affirmantibus solam Professionem Religiosam vim habere tollendi hanc irregularitatem, eaque sola vota, per quæ quis verè, ac propriè Religiosus efficitur, qualia sunt etiam vota, licet duntaxat simplicia, quæ in Societate Jesu post biennium Novitiatū emittuntur, ut patet ex Bulla Gregor. XIII. quæ incipit: *Ascendente.* Ratio cur vis tollendi hanc irregularitatem tribuatur soli Professioni Religiosæ & votis efficientibus Religiosum, non autem ingressui in Novitiatum, desumitur ex citt. can. Presbyterorum 1. & C. ut filii citt. ubi Presbyterorum filii,